

大清光緒十三年

本館新開除禮拜外日出一
紙諸君賜閱本報者無論
本埠外埠均可函致本館取
閱如外埠閱報加寄費不
也除日報照常刊送外復不
惜工本從英國採辦釘書裁
紙各機器以待與各官商
刊印書籍單件並有英國各
體活字及各式花邊等延有
西人操印工藝甚精所有中
西文字均能刊印並有石板
印字大小機器均用精工刊

第一千八百二十四號

申報

本館開在盤龍口第五號門牌

印工總絕倫前延有文士
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登否亦須無
礙於人而後始錄其有謬
成文以及支離費解者概不
登報嗣後諸君來札尚祈
自諒更須寫明爵里而後敢
登但來稿登與不登均不能
將原稿收回也 本館謹白

丁亥十月三十日

凡閱報者每月一元每日每張五仙(大英一千八百八十七年十二月十四號禮拜三)凡印告白第一日每一字一仙第二日以下每字半仙

精緻華英月份牌出售 ○敬啟者戊子歲之月份牌現經印就即在本館發售不惟畫工之工緻
墨之美而且較對無誤印刷玲瓏蓋是歲本館再為加工精心構撰故款式甚多無論白紙蠟紙色紙與夫
描金繪色無不備有以憑 諸君選擇且價甚相宜 諸君光顧者請早 惠臨選購為盼 本館謹啟
新印電報冊出售 ○敬啟者茲本館新有印出電報卷冊概用上等西紙以英文字排列而成冊內各
篇其字形號數均有不同最便商場之用若自行定印則工價甚昂茲本館因自用之故增印若干本以售
於人是以取價甚廉 諸君有欲購者請即 移玉惠臨因所存不多遲則恐有不及也 本館告白

東瀛傳聞略記

日本雖僻在東瀛而距我國最近且又為同文之國其國中文人士誦詩讀書吟咏詩文無不與我國相
同故彼此筆札往還投綯締結皆岑岑而修土相見禮者有之近則相交接遠則相慕悅無不如沈潛之一氣
水乳之交融自日廷崇效西法肄習西學以來時局大變國中民人區為兩黨一曰守舊一曰更新每每齟
齬而不相入局外之人從旁冷眼觀之未有不憮然失笑者日人之效法西人每多固守而難通執持而不
化有類於刻舟求劍膠柱鼓瑟其實所得亦止皮毛而已即以醫而論習洋醫者墨守成法不知變通去年
為時疫而枉死者實繁有徒日官立法過嚴嚴端百出染疫之本無死法洋醫投以藥石而殞者幾居其半漢
醫淺田宗伯見而憫之出與日官洋醫互相駁詰謂非由染疫之必死實因立法之未善後日官少改章程
民間死者其數亦少減日官立法凡經醫生診視知其為時疫而不報捕房者則罪醫生如屬誤報亦當加
罰醫生不能決病症之重輕恐其一旦死亡只須預報時疫倘病不應死而用藥致誤者醫生自可免罪日
人染病聞欲送入醫院無不痛哭以一人院中死多而生少也既已入院即親屬亦不許偕往恐其傳染也
幸淺田毅然爭之方許親屬入院侍奉湯藥醫生報疫之例亦稍從輕此其善政之一端也非由淺田力為
主持其間安能得哉自我國設立星使駐劄其國中隨員理事各有職司何子峨星使博學多才長於詩詞
時與日之文士相唱和星使離任時悉饋以別金或十元或五元不等所費未至百金而日之文士已頌聲
載道矣別後又時時詢其行止感懷德恒流露於言語應答之間蓋感人之者固不在多也日人性情好利
而兼好名與之周旋接者當投其所好而應之所以交歡者酒醴玉帛斷不可少出洋人員要富輕財而
仗義識會雍容富貴第一等酒樓肴饌不可不豐禮儀不可不周平日間衣履不可不華酬應不可不廣一
有鄙吝之態形於顏色則談笑者即譏其後矣最可哂者酸丁腐子自以為儉德可嘉一切概從樸略謂係
分所當然胸有成竹執一不即有從旁勸之者亦復牢不可破更有目奉奢華儉上者暨御下者藉端刻
性成難與深語要之待人涉世之道尤宜開誠布公而以待鄰國之人更不可不隨時講求以禮文情意相
浹洽每遇中外交際之事行之尤宜直道剛柔並濟寬嚴互用務使我無失禮於人而已設使因循退縮畏
蕙隱忍則必以我為懼彼凌侮之乘需索之端覬覦之生即由此起蓋待知禮之人寬容優厚彼服我度量
之宏若移以待強悍無禮者是使彼得售其欺也請以一事徵之前星使時隨員中有一武員某君固所
稱鐵中錚錚庸中矯矯者也雖文字粗通而胸懷經濟於時日皇千秋壽誕遍延各國星使隨員羣赴演武
場觀大閱我國諸人亦預其列日之武弁見華官至前意甚傲慢操日國方言詈之云今聞華兵與法人戰
恐汝不久亦喪於法人手某意怒甚頗伴為不聞也者旋欲擊逐華官令辟路以行人文隨員在前已略為
退讓矣及至某君揮之以手某君亦以手格之勢將用武某君大聲面斥之曰國王命我來者是敬我也今
汝如此相待是辱我也我敬具衣冠而至汝豈未之見乎何相逼無禮太甚也我將問之政府其人恐選事
負慢客名急趨避去自後逢華官閱操禮貌有加無敢肆其暴戾矣可見天下事有萬不可讓者大度包容
上之人所以待下之人耳昔者美國欽使乘車出外埃利士人遙攔以土塊汚其車茵某欽使行轅出入升
炮忽有西國狂人出而阻之此二者皆肆其無禮者也而兩欽使並一笑以置之蓋誕妄之流殊不足與校
一則使彼久而思之自生愧懼一則彼政府大員豈豐贖無所聞知不為我治其妄人也哉若平等相值各
持以禮或生侮慢必當時有以制之俾毋敢妄作設使今日長事則明日多事更甚而禍患之來必由乎漸

知州何嗣燾著至城島職制令各該員迅赴河南交倪文蔚差遣委用欽此

令節停工 ○西十二月廿五號為西人長至令節每歲遇此節令同相慶祝不異新年而本歲西十二月廿五號適逢禮拜之期本應停工不必因節期給假故現在本坡諸銀行等業經議定改於廿六廿七號即禮拜一二日停辦公務而西明年元旦又逢禮拜故亦定於二號禮拜一日停工俾任事諸人得以時行樂云

亞細亞輪船案訊 ○現冬輪船為皮亞橫輪船碰沉一事已逾數月而該兩船均在泉憲台前控告索取賠償計現冬輪船主人則索皮亞橫輪船賠款五萬元而皮亞橫輪船主人亦索現冬輪船一萬五千元此案於二十一日經泉憲提訊兩造皆延有狀師主控連日在泉憲對簿至二十四日經已錄取各供畢惟泉憲是日須往檳城提案不能即判因命暫為押候俟泉憲回叻時再為秉公判斷云

軍裝到叻 ○據示必洋行之不羅美打士輪船近由歐洲南來於廿六日業經抵叻船中載有廿五噸重之巨炮一門并炮彈共重四噸半另難心彈子十五噸以上軍裝係載至叻中以爲駐防之用者此固未雨綢繆之道也

拳師出色 ○中國風氣向尚拳勇之技精是技者人皆稱曰教師與之周旋亦必恭必敬然爲教師者又動輒自滿自足且不惟識高氣傲并常惹事端蓋若輩自恃其強每尋訪勇武之徒相與角技以博一時之聲譽此中習氣在中國爲最多乃不意中外同情而西人亦有蒞置休養者有美國名教師曰羅倫士斯里文者武勇絕倫精於技擊在英久已俯視一切無與爲敵者羅居美國以無人敢與戰武技覺鬱鬱不樂近乃命駕前往英京欲覓力士相與角賽當其抵英之際迎而觀者萬餘人有識其人而特來接應者有慕其名而相往觀瞻者道途竟爲之塞迫羅既至諸人見其風儀雄偉莫不同聲喝采有映巾者有擊掌者贊美之聲諱然震耳而火車碼頭幾無容足之地則其平日爲人嚮慕者可知而其平日武勇之名亦可知矣計羅身材脩偉儀表軒昂身長有五英尺十寸之高其胸闊有四十四英寸其重則一百九十六磅氣極其雄現該勇士已寓英京四行出有佈啟招善於拳勇者與其相角并以二千磅獎金以決勝負聞至今尚無人敢與其相角云按此事爲西國中所罕聞雖鬥武之事常有見於報中然若此之黏貼佈啟招人與角者非其精於此技者有所把握者不敢爲之雖然齒以剛折舌以柔存從來以勇力自矜者未嘗不敗吾願以此語爲若人告之

俄船日盛 ○西俄報云俄國去年下令在橫士得船廠製造之鐵甲戰船近已告成業經試水計該船之巨有六千噸甚爲堅固可爲海疆利器云云按俄國自今皇下力山打第三即位以來晝夜講求武備而於海軍一途尤爲留意蓋其志欲以海軍稱雄於天下今俄船製造日多將可追蹤英法再閱數年諒可與英法諸船齊驅并駕今俄廷所命製之鐵甲戰船九艘其中有六艘業已竣工所餘三艘亦已將次告成現俄國之鐵甲戰船計共廿六艘水雷船一百六十二艘其三艘之戰船及巡船等均已足備進戰退守均保無虞噫俄人日強亦非天下蒼生之福也


掠銀驚獄 ○閩人某向僱婦在淡申律植園營生廿五日其婦偕有子女在該園前嬉戲時適有匪徒郭某亦在該處刈芻瞥見其婦所管金銀炫目輝煌貪涎猝起於是高瞻遠矚四野無人突至婦前掠厥金銀一枚欲爲急逃詎婦疾聲喊盜某則出門奮足疾馳遂被執獲交差逮案廿六日經府憲提訊廉得其情爰罰監禁三閱月示儆

誤投客館 ○粵人李某於二十七日偕其弟由港附航抵叻詎於登岸之際人地生疎竟誤隨新客諸人投諸客館李以失弟故登即偵騎四出始知其在甘公嶽汝某客館焉爰即登門詢問該客館謂其弟曾借英銀五元倘償借款方允將他開釋李無奈如數繳償始帶其弟而返云

犯竊斃理 ○閩人陳慶壽前於五月初七日曾以盜案獲展經府憲提案詳訊判決罰以監禁六閱月重懲厥愆迄今瓜期將及開釋會有其期不料罪滿貫盈天奪其壽悵悵法網大數難逃於廿六日竟爲二豎所凌猝登鬼錄嗣司獄即爲報案詣驗業經驗屍官馬君暨同陪驗諸員赴勘驗畢據謂該犯係係緣病致斃並無別情因照例填格存查給棺殮殮將案註銷

醫不居功 ○閩人梁某偕其婦子寓於小坡巴古魯其賦性機執業卑常以牽車食力夫婦儉勤雖家有數口曾無凍餒憂憂光天化日之中亦安分營生之侶也惟梁素有病殊屢醫未愈諒亦過於勤勞所致者然此亦不過時發時愈非與久病床褥者比於廿六日梁復率車外出適有吉甯人某甲呼其車載有土油一罐赴於石籠岡地方詎至中途梁則忽然病發弗獲強持力倦神疲昏仆於地其車翻然倒墜甲遂被土油傾壓頭顱斷碎鮮血翻身急起欲罪於梁迨見梁昏仆途中氣息奄奄若無生人形狀始知梁緣病發所致原非由莽者之所爲以故自爲忍痛代梁呼救却恨該處僻壤絕少懸壺四顧徬徨殊嘆束手後有小販某乙道過其前詢厥顛末然後代延楊治蓋楊亦閩人年近六旬恒在該處建一小茶肆以圖生活然楊素習岐黃頗稱折第以心存濟世曾未向市井懸壺以售厥技至若登門求治靡不竭心以修殆所謂高尙其志洵稱靈隱者歟而乙素知楊技代爲延請楊即趨視梁病知猶可救乃遣車昇梁回店以藥灌救而病漸解徐則昇梁歸家復贈以藥俾得自爲調治焉後梁之婦子感楊醫活之德即備食物登門叩謝執意楊謙遜不遑有若不敢居其功者遂受其物而返其資云


啟者本公司製造廠開設在新嘉坡直落亞逸尾地方交易多年專造一切靈巧機器火鋸大磨並之器具及大小輪船汽機鍋爐並各種新式鋼鐵器皿一應俱全無不堅固耐久應便合用願六甲地方本公司開設有分廠啟



代中西士商修整各種損壞機器工價格外公道如有貴客賜顧者請至本廠面議特此佈聞
西一千八百八十一年十二月廿六號 繼來安公司啟

美國峇打妙厘號新欸時鏢出售

敬啟者茲本行由歐洲辦到峇打妙厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之動靜時之寒暑均無不驗所行晷度果黍無差且閱一月之久而亦不舛分秒之時一利也且其鏢之行不惟甚準而堪堪令人憑信不致觸目生猜二利也又其鏢機輪甚佳且殊堅固最堪耐久即便年湮代遠亦無廢壞之虞三利也至其鏢製甚精不惟適用而且美觀令人見之愛不釋手四利也矧其價復甚廉較之他表殊為省費五利也由此五利則誠非尋常可及且買此表者可保其用一年無須修理且一年之後即須修理亦無庸照其時價若他表須二元始能修理者而此表則不過僅六角之資即能修復甚且無須六角蓋其機器係為新創其製造之法甚且請易於拆脩故也此表在美國係用機器製造計每日可成表二千枚故其料美價廉誠非他家可及而峇打妙厘號製有表鍊甚多各欸俱備且其欸最新其工最巧較諸近來行用者又勝一籌矧其價復甚廉每鍊價銀僅由六角至二元至其表鍊黃者如金白者如銀令人觀之無從辨其真贗倘諸君有欲購買者請至本坡各洋雜貨店中相閱如該貨未備則請至本行面商本行坐落土庫後街匯豐銀行之鄰 諸君惠臨移玉趾至於本坡則惟本行代理並無別家並此佈聞 諸惟惠鑒
大英一千八百八十七年六月十五號 大清光緒十三年閏四月二十四日 莫實得洋行謹啟



啟者茲本行由歐洲辦到上等密酒來叻發售其酒甚佳茲將標頭印出諸君光顧祈為細認免致有誤倘有無恥之徒假冒本行鎖匙標者本行定必嚴為控究再此酒不能販往加勝吧 三寶 泗里末 望加錫 檳榔嶼 日神等處其他各埠均能運往並此佈聞
大英一千八百八十六年十一月十日 明也洋行謹啟



中外眾國有限保險公司

啟者本公司總局設在香港多年備有資本銀二百萬元已先收股份人來銀六十萬元及餘存銀六十萬元在叻係本行代理承保各商貨物裝運船隻輪船往來各埠其保費相用照例所有花紅之銀俟結賬之後按股分派前一千八百七十八年一千八百八十年每股得利息銀廿五八仙又一千八百八十年至一千八百八十二年每股得利息銀廿一八仙諸商賜顧者請至本行面商可也
大清光緒九年 月 日
英一千八百八十三年八月廿七號 毛質德公司謹啟


新到各書

啟者現本館新由上海寄到活字排板石印各書甚多約計百餘種茲以廉價發售諸君欲採辦者請到本館選購是荷至其書目太繁不能盡錄諸君如欲採辦者請到本館面議可也
莫實得洋行謹啟

光緒三十三年九月二十六日

水仙門廣興隆日本洋貨店謹啟

白告司公堅士亞侯活



啟者本公司向來開辦本坡久為中西商翁所賞識茲承英京末汝公司之命託本公司為該公司駐叻代售機器之人本公司既受所託不得不代為力肩鉅任將該公司辦事之誠製造之美以及貨物之多盡舉以告海內諸商知悉該公司向來開辦英京歷久無異素為英國人所賞識不特為英國人所賞識又為鄰國人所賞識不特為鄰國人所賞識且為天下各國人所賞識蓋因該公司立心持平交遊盡善物料既美製作復精所以能遠近馳譽於本國鄰國及天下各國者皆為此也現計該公司所製造之機器甚多筆墨難以盡述更僕不可勝數現經運到本公司存貯代售其中件件堆積如山邱不可枚舉茲因篇幅太狹不能盡錄以備商翁覽也現擇其要而通行者略登報端以為諸君採擇焉如水厚水筒皮帶等其價較別家稍為相宜貨而亦視別家為特妙請諸君移玉到本公司一觀真有所聞未盡所見之憾不啻遊山陰中道令人接應不暇矣至於本公司又有製造大薯之機器以及水厚等各機器亦是名目太多不能備列謹此奉告倘祈貴然賜顧為慰現本廠已遷至工部局貨倉左鄰近復分枝一廠在吉隆坡仙四師爺官後大馬路至下巴雙河邊橋頭右邊開張以便吉隆諸君選沽機器以及修理機器等事諸君光臨請移玉趾是荷

大英一千八百八十七年十一月九號

活侯亞士堅公司謹啟

西國首飾雜貨出售 ○啟者本雜貨公司原設於麻六甲街第廿七號門牌現遷至土庫花園邊四十三號門牌與大藥房為隣專辦歐洲各上等首飾雜貨來叻發售所有戒指相金鎖扣鈕釦等項甚多所有貴重合用之物無不齊備不能備錄以此各貨均屬寶貴之品計值約五萬元并有金銀皮銀鍍金時表各式共約一千多個無不應時報刻累黍無差各物皆由歐洲名工所製美善異常現新到叻中存於本店倘諸君有欲購者請即玉臨選閱是荷

大英一千八百八十七年十一月八號

鴉鄰謹啟

RIGAND'S KANAGA WATER.

列願干那芽花露水 ○此水係以干那芽花所製其花出自日本國中香冠凡卉乃列願君在日本探辦載回法京製成此水以故其香甚清而其用亦甚善如皮膚有皺裂等病抹此香水固能愈痊尤可辟蚊口之毒若以此香水和水盥洗固能令人肌膚嫩滑顏色光潤且諸瘡不生本藥房製成此種花露水銷流已久遐邇傳揚不料近有德商仿照本藥房所造此水以圖射利其實氣味遠遜迥隔霄壤諸尊有購此水者請看以下所列第一款之西字標頭本藥房所用製載此水之樽係有浮凸字樣如下所列第二款式且有西字註明列願公司字樣如標各均有親書號據始為真貨否則係為混冒倘祈慎購至於各式人等有假冒本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並未開枝別處併此聲明此佈

"KANAGA DEPOSE"

4430.

MORRHUOL.

模好呂解毒藥丸 ○此丸端治虛損吐血花柳傳毒咳嗽喘喘目痛重舌等症其效如神且不惟解毒且能調和營衛葆養精神現用法英美等國醫士所用花柳敗毒之藥均用此丸無不藥到病除立見春回若服此丸須仿照服法肝油之法要緩緩吞下必於用飯時吞服一二粒切勿誤為急吞以背服法此丸係以樽裝載每樽計一百粒現託新嘉坡藥房麥加君處代售此佈

大英十一月八號

SANTAL MIDY.

DR. MIDY'S SANDAL OIL CAPSULES.

檀香油藥粒 ○此藥係製成油質以薄皮一重裹作粒形以便易吞而其藥力能端治花柳淫毒白濁白帶癰閉一切等症如症雖甚痛服之立止而服藥後約歷二三日即見功效但所患過重者須每日吞服六次每次吞服二粒至痊愈後亦宜再服十日庶得消除後患永絕根株惟服此藥時宜戒色慾忌食辛辣勞動等事幸勿自誤致藥力之不神也現此藥託交新嘉坡藥房麥加君處代售此佈

FRUIT JULIEN.

浮律如里馬藥糖 ○此藥糖係採鮮果之汁加以藥料和製成塊略如糖粒氣味甚佳而其功效較於油為甚無論男女老幼均能服食且其味有如糖果最為適口尤為小兒所愛其藥力均可治胆汁太多重舌頭痛鬱結大便不通斑疹血熱毒以及皮膚疥癩等症服之亦可涼血行滯且能令臟腑潔淨痼疾立除但服之法宜於臨睡時吞服一二粒至翌早飲茶一杯須臾即覺大便通利身體爽快現此藥託交新嘉坡大藥房麥加君處寄售此佈

命案錄聞 ○廿六日三點半鐘邦俄路有張阿杜者刃斫其婦身首俱傷十指並斷所傷甚重命在垂危業經有同居粵人郭阿照在場目擊勸之弗及爰將張阿杜拘交石籠崗捕房報案旋經該差率同郭阿照赴其寓所查驗果見張婦重傷害要即昇張婦送至國家醫院調治嗣官醫診視張婦後據云刃傷太重藥石恐難奏功若能延至二十日之期其生死方能料定詎至廿八日十二點鐘時張婦已登鬼錄業經驗屍官馬君暨同陪驗諸員赴院勘驗現已驗畢猶未發下判詞查張阿杜緣何刃婦之由究未得其實據第以外間傳聞有謂張阿杜疑及其婦近有外遇之醜端英莫掃穢竊恐彰聞乃怒婦不貞故刃之致斃以消其忿或又謂張阿杜係潮人頗知醫學該婦本洪氏緣染疾故求張醫治張索其愈後須結紼儻方允與他調理婦姑領之故為寄寓他家恍如眷屬嗣張察婦邇來踪跡頗有異志他圖故怒婦二三其德遂欲食其肉而獲其皮乃有刃婦之舉斯二說均係得諸傳聞未知確否俟經府憲堂訊後再將案情錄報

派差彈壓 ○本日為粵商賽神出巡之期蓋恐是日莠莠難處品類不齊擁塞道途弊端百出故粵商等預為此慮先期前赴副巡捕官密君處求派幹差協同旬宣以資彈壓業蒙密君俯允經已將此情節飭交第一號捕房總差非君妥為辦理會經非君派出一畫列等英差一名三畫列等差一名四畫列等差一名巡差二十四名協同巡行以防滋事云

火車停工 ○本日為粵商賽神出巡之期是日旌旗載道歌舞通衢人山人海道途擁塞以故火車公司預體神人共樂之心準於本日暫將火車停工一日至下午五點鐘始照常復行以便過客至十二月十九日係為同慶之期該火車亦一體停工至下午五點鐘復為駛行蓋亦恐傷人之一意也

捕房失竊 ○潮來竊盜風熾無處滅有無論葭屋茅簷常驚狗盜即至捕房密邇差役梭巡而倒篋傾箱亦有穿墻雀角噫豈差緝之不嚴乎抑盜胆之猖獗哉聞廿七晚府署前之捕房有某差之衣箱被盜竊去衣物等件業經報案又前數日有英暗差亦被盜破篋竊物曾經報案均未緝獲匪夫捕房重地亦有迭經失盜又何怪閭閻難處屢驚雞鳴哉

嚴懲敗肉 ○昨錄自投法網一則係緣杜某販賣死牛敗肉拘逮案中廿八日經府憲提訊謂杜所販敗肉實傷生人爰判罰英銀五十元無緩繳呈改禁二閱月以蔽厥辜

嚴拘花會 ○聞於廿八日松柏街口大馬路第五十號門牌祥興號緣私開花會為線人偵知通報捕房旋經總差率同幹差數名赴至該店拘有賭徒十一人統逮案中現猶未質容後訊詳續報

路不拾遺 ○前日府署有一公差外出見道上有遺銀鐲一包爰即拾回報案現經府憲訊驗究未知失主誰人第念物各有主路邊何可混拾以故暫將所遺銀鐲收貯府署爰將情形錄入中西新聞俾告失主倘果有憑據到領可即給還惟錄登各報費用應歸失主料理英憲此舉洵可謂大法小廉能佈大公於百姓矣

閩中雜俎 ○西湖開濬已逾半年附近居民又將湖牀填佔以為菜園遂致湖山日狹湖底日淤春間經陳伯潛閣學稟請開濬當由楊石泉制軍委現辦洋口釐局之黎伯鐸司馬及前署海防廳羅毅臣司馬勘估工程九月二十八日制軍又率司道府廳縣等官至西湖一帶閱視以便動工旋以陳閣學總其事另委福州府侯仙仙太守暨羅毅臣司馬為之襄辦又聞制軍擬撥派長門等處營勇從事湖工以承平無事之兵作地方有益之舉誠屬一舉兩得也○福州花會之盛不獨店舖居家受其陷害即繡戶名姝蓮門處女亦有被其煽誘者會中有男僕女傭為之奔走俗呼為小巴城內外小巴不下幾千百家各處神廟每當夜闌人靜時有婦女抽籤求夢結隊呼羣聯絡不絕好色狂徒故意錯雜其中品足評頭肆無忌憚誠傷風敗俗之尤者也湯潤廟離湯開咫尺近日有某甲為花會首糾集無賴數十人即在廟中戲臺上掛巴開場而月約每日已刻掛巴午時開巴人貪其便相率趨之每日可收數百千廟前附近亦有小巴十餘家因某甲未來之先人多向其猜壓故此時遂各張旗幟也在上者其亦有所聞耶○傳聞泰寧縣於九月二十二日有汀州人與江西人因拿獲私鹽事彼此械鬥甚至聚眾放火致將官運局暨鹽館附近人家付之一炬是亦意外之變矣欲知其詳且俟續信○有小輪船駛赴長邑中途另遇一小火船忽被開炮相攻其聲隆隆該船搭客於倉卒之中大受驚惶奪路欲走一時人聲譁然全船幾為之覆幸有附近漁艇駛來救護始保無事搭客中或受鎗傷或失物件陸續到閩縣衙門稟控究不知其放炮相擊殆為查私誤認歟即使為查私起見亦豈有不問情由而遽施軍火之理是不可以不辦

人財兩失 ○武林土妓名宜者以孤鸞寡鵠之身為引蝶招蜂之舉離指數芳年已見兩圓明月而眼流媚態儘堪一度春風且有姊妹花兩枝使有尋香癖者均得結同心帶故門前車馬不致冷落有得勝場夫頭某以勞力成家稱小康焉其子某甲席豐履厚遂忘乃父為田舍翁謂床頭人不足暢吾意也舍家難而戀野鶯常邀遊於章臺曲院間遂與宜相識想是三生石上留有一面緣者竟視為拱璧明珠恨未得十萬金錢贖作纏頭費故宜嘆但唱十索詞無不應命如響晨夕所需已不可以儂指紀宜曠迺出院中人全副本領拘縛而玩弄之謂風塵箇中非爾我久居地果相愛請以百金委我母拔我於火坑俾舊巢成新壘則我當委身事爾甲聞言喜出望外急歸家向母說言因一大便宜貨將來可得倍利有番佛二百尊足矣母故掌家中筭端者惑其言如數畀之甲携洋至宜曠處謂之日以半畀爾母以半謀新居

內我素居城外城中人地生疎租屋置器任兩好爲之但勿過費須爲久遠計也宜收洋囑甲請歸待我三日我部署已定子來則可入安樂室爲雨爲雲任爾朝暮暮然爾有何能克享受此現成福也甲但唯唯詎爾家後其父已訪得子所作事并悉向母誣洋事怒其閉甲於斗室中飲食均由窓隙遞入甲至此幾如鳥籠中魚游釜底至第五日哀求其母曰春我去年日當將洋取回稍贖罪愆母與堅約再三始放甲出遣兩人同之去甲至故處則門巷依然而人面已否訪諸隣人絕無知者因深悔短期誤事皆已之合於宜乎何尤遂快快而返此豈甲之愆期誤事耶抑係宜之得財逃遁耶在明眼人必能辨之總之孽海茫茫渺無涯涘一經陷溺其中未有不爲所累者矣

京報選錄

○頭品頂戴陝甘總督臣譚鍾麟跪 奏爲據員請補要缺知州以裨地方恭摺仰祈 聖鑒事竊據藩臬兩司詳稱靈州知州孫承弼病故業已載缺報部所遺係煩疲難三項要缺例應在外揀補前奉部章甘肅升調補缺道府丞倅州縣及佐雜各缺將現任各員按照應升官階任內無論有無升案並是否到任實援以及歷奉試俸未經期滿各員擇其相宜者一律升調等語人靈州知州員缺查有山丹縣知縣查之屏年四十五歲安徽涇縣人由進士即用知縣發分甘肅光緒四年五月到省委署補縣知縣嗣經補授山丹縣知縣八年三月到任查該員查之屏明允篤誠趨公勤慎在甘有年熟悉民情現蒞山丹衝繁要劇辦理一切均臻妥愜以之升補靈州知州實堪勝任人地亦極相宜會詳請奏前來臣查查之屏才具練達吏治講求仰懇 天恩准以該員升補靈州知州洵於地方有裨如蒙 俞允俟准部覆照例給咨送部引 見該員任內並無案累案件謹摺具陳伏乞 皇太后 皇上聖鑒 訓示所遺山丹縣知縣係衝繁疲三項要缺例應在外授補合併陳明謹 奏奉 硃批吏部知道欽此

○兩廣總督臣張之洞廣東巡撫臣吳大澂跪 奏爲烟瘴要缺州判升補之員請 旨飭部揀員補授事竊查欽州州判沈筠自光緒八年三月二十四日到任起連開計至十三年二月二十四日烟瘴歷傳五年期滿例應撤回揀員升調查定例烟瘴升調缺出應於現任對品人員內揀選調補如無可調之員其現任應升人員內有曾經舉卓異及俸滿保荐即升者亦准各部升補又各省烟瘴員缺不得以候補初任各項人員補用又同治三年准部咨行廣東烟瘴州縣佐雜遇有缺出令該督撫於內地屬員內揀選熟悉風土能耐烟瘴廉明之員調補毋庸扣定年限又定例佐雜在外揀選之缺如無應調應升之人令該督撫奏 聞於候補人員內揀選引 見補授候補人員人員不敷揀選即於候補人員內揀選補授各等因欽州州判自應揀調升補惟查廣東省府屬州判祇此一缺並無現任可調人員至應升人員有布政司照磨陳徵招官場大使諸鈞一員係屬合例調升但該二員均年逾六十不耐烟瘴此外本省並無合例應升之員自應照例歸部揀選據藩臬兩司會詳前來合無仰懇 天恩俯念州判烟瘴要缺升調之員 勅部照例揀員帶領引 見恭候簡補補授臣等謹合詞恭摺具奏伏乞 皇太后 皇上聖鑒勅部施行謹 奏奉 硃批吏部知道欽此

○會國荃片 再據安徽候補道錢祿曾等稟稱節孝婦王禮氏係高郵州在籍已故侯選郎中王恩泰之妻安歲候補同知王植忠之母道光三十三年歸恩泰爲室事姑盡孝咸豐六年恩泰病歿該氏痛不欲生誓以身殉親族勉以姑老子幼遺腹在身當全大議該氏始抑哀強起經理喪葬如禮維時祖忠甫七齡女二俱幼閱四月遺腹生次子乎忠以養以教具有禮法先依夫堂兄以居嗣經植忠迎養來院現存年六十歲計守節三十二年又據安徽候選道張德勳等稟稱孝女劉全姑係武進縣籍安歲選用通判劉鴻漸之女許字安徽候選州同曹志溥之子文章曹錫泰爲妻在室事親克盡孝道本年春間母病女侍奉湯藥刻不離側病瘵焚香禱神願以身代而其母卒不起女一慟幾絕旋仰藥畢命以殉時年十六歲該道等以該婦桑梓見聞較確不忍聽其湮沒造具事實冊結稟請具奏前來臣查節孝婦王程氏孝女劉全姑 勅部照例 旌表以彰至行而勵人心除將事實恩旨旌表有案今該氏等事同一轍合無仰懇 天恩俯准將節孝婦王程氏孝女劉全姑 勅部照例 旌表以彰至行而勵人心除將事實冊結 咨移部科查核外謹附片陳請伏乞 聖鑒訓示謹 奏奉 硃批著照所請禮部知道欽此

○楊昌濬片 再光緒十二年冬季分

台屬就地正法人犯業經附片奏報在案茲查十三年春季分據鳳山彰化新竹三縣報獲董璽標會匪洪雨枝廖陳會匪謝李有勝黃海亭七名或迭次搶劫拒捕或遊勇圖財害命均屬情罪重大未便稽誅書明後稟經撫臣劉銘傳核飭就地正法以昭炯戒據台灣道唐景崧詳請具奏前來除咨部外臣謹附片具陳伏乞 聖鑒 奏奉 硃批刑部知道欽此

○穆圖善片 再軍營出缺例由軍營揀員請補前盛字揀

軍出有護軍校一缺經奴才援案奏請以護軍胡松額頂補奉 旨允准在案茲奴才奏案盛字營委員廂黃旗蒙古德存佐領下護軍校崇保革職遺缺行據 乾清門侍衛兩白旗護軍統領豐陞阿咨呈在於奏調京旗人員內逐加遴選查有內火器營廂白旗滿洲桂林佐領下六品頂戴烏鎗藍翎長岳隆阿當差勤慎堪以請補等情前來查藍翎長岳隆阿既屬當差勤慎復經奴才考驗引馬甚爲嫻熟合無仰懇 天恩俯准將崇保革職所遺護軍校員缺即以藍翎長岳隆阿頂補之處出自 逾格鴻慈是否有當謹附片陳明伏乞 聖鑒訓示謹 奏奉 硃批着照所請該衙門知道欽此

平沽貨物 ○敬啟者本公司平沽貨物早已佈明茲更於後禮拜一禮拜二禮拜三即華本月二十八日二十九日三十日每早七點鐘即啟門發賣所有華人及穆拉油人婦女各物均無不備其價格外從廉 諸君如有合意者祈即早爲 惠臨選購是荷 西歷雜貨公司謹啟

大英一千八百八十七年十二月十二號

憲示

大英國欽命新嘉坡等處郵政使司 為招人承辦白灰石花磚瓦等物事照得斯役以一年為滿自一千八百八十八年正月一號起至一千八百八十八年十二月三十一號止凡人有欲承辦者可於英本月十九號之前赴本署領取投標格式按格填寫用封套封固書明承辦某物件等字樣遞交本署以憑採擇所有承辦之物及 王家所擬價值內開載明白投標承辦之人須於該價上酌量加減成數至若投標價格之時 王家命其備銀作按每投一票須先交大銀一百元候至開票之日 王家如准其承辦者該銀留至立約辦成之後方始交還倘若不准其承辦則當堂物歸原主所投之票准與不准皆由 王家主裁投標人不得援價低者得之例以圖爭執先此聲明以免後論 大英一千八百八十七年十二月十三號 大清光緒十三年丁亥十月廿九日 示

雲石器具出投 ○啟者茲定於西本月十四號十五號即華本月三十日十一月初一日禮拜三禮拜四每日下午一點半鐘在好低利老利酒店之隣大客廳內拍賣貴重意大利雲石雕刻器具甚多並有雲石花瓶花桌各款裝式等不能盡錄各器具用以陳設廳堂園墅房宇店戶各處皆能合用此皆意大利名工所造 尋常所用不同現各物均存在出投之處並有繪圖以備先行選閱 諸君合意者請屆期惠臨投買是荷 大英一千八百八十七年十二月七號 巴越館主謹啟

上等呂宋烟出售 ○啟者本行由小呂宋督辦上庄選葉呂宋烟發售其貨均屬上等並無低貨摻雜且價甚相宜其中每箱有廿五枝者有五十枝者有一百枝者各款俱備香美異常因邇來西人年節將屆用此以作禮儀餽贈最為合式且能與 諸君代辦小呂宋各貨諸尊賜顧請至土庫花園邊笑爾堅洋行之後與密加釐士打索路店隔鄰本行相酌是荷 大英一千八百八十七年十二月七號 俄士連洋行謹啟

線



啟者本行專辦英國寶拿士布碌機房各色上等棉線轆發客北線轆與線球不同線身光滑滑於縫衣脚車手車甚為合用每個足長一百碼價甚相宜曾經呈請英國考驗幸蒙賞實并賜金錢羊頭號標為記本行因此線雖久已盛行外國惟亞洲一帶向恐未有周知故特辦此東來俾得利便中華之用 諸君用始知余語之非虛 貴客光顧請認羊頭號標牌為記 大英一千八百八十七年十一月十六日 香港希士洋行謹啟

出

庶免有誤 大清光緒十三年十月十六日 大英一千八百八十七年十一月三十號 香港希士洋行謹啟

三品酒

啟者本行督辦歐洲馳名三品洋酒來叻發售其酒係白頭欵式發售有年沽飲 諸君莫不稱其香美奈近有無恥之徒假冒本庄三品酒欵式以圖魚目混珠情殊可恨嗣後 諸君沽買本行 Charles Heidsieck 白頭三品酒者請細認本號招牌之內有小紙包頭註華字號 White Seal Champagne 為記庶不致誤也公司者始無佳若此字樣即屬偽冒請為細認特此佈 聞 大英一千八百八十五年十月二十九號 大清光緒十一年 月 日 明碼也公司謹啟



No. 1234

日本到玩器出售 ○啟者茲有柔蘇君新由日本橫濱帶來貴重玩器甚夥寄在本館代為發售計有 繡花大小披肩 絲手巾 絲襪 繡花床墊 絲桌墊 絲椅墊 絲簾 繡花鑲牙板 各款裝相鏡盒 紙圍屏 各款花瓶 花碗 黃銅色香金油磁茶壺 銅燭檯 各款木茶盤 銅鑼并架 朱律烟管嘴 花盆 遮架 紙刀 裝雪瓦器 紙扇 燈 鑲皮手袋 諸多玩器不能備錄 以上各物出售價格格外從廉 諸君光顧幸祈玉臨此佈 大英十一月十四號 巴越館主謹啟

英國新出頂上花露水出售 ○啟者本公司所製之花露水及高浪水最為佳製其香之清而且久非尋常可及素已馳譽歐洲用此水者莫不噴噴稱頌為妙品歷經荷蘭頒賞星七次以獎其佳然則其妙處可知矣為通流故特佈告倘 諸君有欲採辦者祈請函致本公司取討價單便知一切特此佈 聞 大英一千八百八十七年四月二十五號 加刺安巴馬厘公司謹啟

印度大藥房告白 ○啟者本藥房自去年開張以來多蒙坡中諸君賜顧故現在親自向歐洲督辦頂上真料各種藥材不時預備甚相宜無論男女老幼病症輕重如要醫治請到館不知便即登門看症分別發藥手到回春每日開門擬自晨早七點鐘至晚十點鐘為諸君有欲醫者祈 移玉至小坡大馬路實得力馬房對面第七十五號門牌詢問便得併此佈 聞 大英一千八百八十七年八月十八號 西醫羅賓馬房謹啟

